

朔平府志

甲

第一冊

序 姓氏 凡例 目錄

卷之一 圖考志

名號序次

卷之二 星野志

天文諸圖

天文象緯

二十八宿

州郡躔次

五星諸星

地勢山河

十二辰次

四星分野

支干節氣

序

禹貢者古志書之祖也
其治冀州也則曰旣修
太原至于岳陽而太原

以北則未之及焉又稱
東漸于海西被于流沙
若南若北則第曰朔南
暨而不言其地之所極

意者聲教猶有未訖之
處乎我

朝統一區宇日月所照莫
不尊親東至於濊貊朝

鮮西極於天竺西藏南
則交趾日南皆重譯來
獻而奄受北國更爲遼
遠長城以外蒙古諸蕃

部落數百種分爲四十
九旗臣其酋長而撫其
民人其通貢往來必道
於邊關而殺虎口乃直

北之要衝也其地在雲
中之西扼三關而控五
原自古稱爲險塞我

聖祖仁皇帝親統六師殄滅

逆賊噶爾丹遂於殺虎
口南二十里明所築大
同右衛城

特命勲戚重臣統禁旅數千

建牙於此與西安寧夏
相爲犄角焉

今上御極以邊境久安屯
衛可撤盡裁衛缺而爲

郡邑廼以右衛爲朔平
府治而轄一州四縣雍
正四年余以在京都統
恭膺

簡命來鎮恒陽適逢撤衛
設郡之始制度規模煥
然改觀余亦竭其一得
之愚維是汰冗員繕城

垣以上佐

聖天子維新之治俱荷

俞旨允行而一時其事封

疆如

撫藩諸大僚皆能公

忠爲

國正已率屬整飭邊防下

逮郡邑長吏罔不精白

乃心共襄化理師師濟
濟稱極盛焉燕都劉君
士銘早歲登賢書作宰
佐郡俱有能聲雍正七

年

擢守朔平地當衝劇制屬
草創政務填委而游刃
自如三載以來政通人

和百廢具興茲當西陲
用武儲胥孔棘糗糧芻
茭之需羽檄飛馳日不
暇給而劉君於肆應之

餘復能遐搜博采攷古
證今舉數百代疆圉之
沿革數千年民物之登
耗以及官師之進退人

材之盛衰風俗之淳漓
縷縷條析如指上羅紋
創爲朔郡志書一十二
卷旣成以就正於余余

披覽之歎曰美哉洋洋
乎古來大一統之規模
未有盛於

今日者也夫帝國王會在

中原名勝之地猶爲千古美談况朔郡當邊塞之衝向日金戈鐵馬之所馳驟青燐白骨之所

沉埋至于今而山川煥其光草木發其華雲物呈其瑞不惟郡城中崇墉仡仡民物熙熙禮樂

衣冠極聲名文物之盛
而口外歸化城市厪鱗
接冠蓋雲屯西旅貢獒
越裳獻雉肩摩轂擊畢

集於斯爲冀北一大都
會焉夫河山猶是也關
塞猶是也豈非所謂在
德而不在險者乎然則

觀於斯志而我

朝聲教之四訖有不僅如
禹貢之所云者余旣幸
躬逢其盛而又喜劉君

之能輯舊聞揚新烈潤
色

國家之鴻業以傳於無窮
也於是乎書

皇清雍正正九年歲次辛亥
嘉平月上浣吉日

欽命鎮守朔平等處地方
統轄滿洲蒙古漢軍八

朔平府志

中序

三

旗官兵建威將軍奉恩
將軍宗室申慕德謨



序

國家重熙累洽德威覃被
環河源海委之區梯航貢
獻悉隸象胥而山右雲朔
尤稱邊垣要壤內則與雁

門寧武偏關臂指聯絡以
拱衛畿輔外則歸化迤北
障塞崇閔背亘青山腋繞
黃河平沙曠野直抵榆林
甘涼驛郵戍堠交錯于牙

帳之間邊陲清謐行旅如
歸蓋民生煦育承平之澤
久矣朔郡舊為右玉左雲
平魯諸衛屬於大同

雍正三年

皇上加意封疆特建為府增置
守令以教養邊民又割朔
州馬邑來屬延袤數百里
山川扼塞擁抱襟帶于是
朔平一郡屹然峙巨鎮雲

間攷歷代史乘元魏始創
朔州所領郡邑碁布口外
唐有雲中都護復設豐勝
二州都督府分掌關內河
東其外羈縻之州不可殫

紀朔郡所轄之地雖介居
雲中寔偕豐勝相為表裏
屯戍千重貔貅萬竈固極
北之都會也昔王忠嗣任
河東節度繪邊塞圖以獻